

Broj: 05-02-5-2550/26-1  
Sarajevo, 08.04.2026. godine

PARLAMENT FEDERACIJE BIH  
ZASTUPNIČKI DOM PARLAMENTA FEDERACIJE BIH

PREDMET: Odgovor na zastupničko pitanje, dostavlja se

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

|                       |      |         |                 |
|-----------------------|------|---------|-----------------|
| Primijeno: 17-04-2026 |      |         |                 |
| Org. jed.             | Broj | Priloga | Ukupna brojnost |
| OS/1                  | -02- | 123     | / 26            |

Veza: Akt Vlade Federacije BiH, broj: 03-04-155-5/26 od 16.03.2026. godine  
Akt Zastupničkog doma Parlamenta Federacije BiH, broj: 05/1-02-123/26 od 13.03.2026. godine;

Poštovani,

Shodno aktu Vlade Federacije BiH i Zastupničkog doma Parlamenta Federacije BiH, broj i datum iz veze, dostavljamo vam odgovor na zastupničko pitanje u vezi poreznih dugovanja sportskih kolektiva u Federaciji Bosne i Hercegovine, koje je dana 11.03.2026. godine na 29. redovnoj sjednici Zastupničkog doma Parlamenta Federacije BiH postavio uvaženi zastupnik Mirza Batalović.

Cijeneći postavljena pitanja, a u skladu s podacima koji su ovom organu dostavljeni a sa kojima raspolaže Porezna uprava Federacije BiH, a na osnovu dostavljenih i obrađenih podataka iz evidencija 10 Kantonalnih poreznih ureda - Odsjeka za prinudnu naplatu određeni broj, i to: 62 porezna obveznika - sportska kolektiva Federacije Bosne i Hercegovine nalaze se u postupcima prinudne naplate zbog neizmirenih poreznih obaveza čiji dospjeli neplaćeni javni prihodi iz nadležnosti Porezne uprave Federacije BiH na dan 31.01.2026. godine iznose 32 miliona KM.

Zakon o izmjenama i dopunama Zakona o naplati i djelimičnom otpisu dugovanja sportskim kolektivima je objavljen u „Službenim novinama Federacije Bosne i Hercegovine“, br. 22/25 od 26.3.2025. godine i stupio je na snagu 27.03.2025. godine. Navedenim izmjenama i dopunama Zakona omogućeno je sportskim kolektivima da u roku od 60 dana od dana stupanja na snagu Zakona podnesu zahtjev za zaključivanje sporazuma na temelju koga bi sportski kolektivi mogli ostvariti benefite otpisa zateznih kamata na javne prihode - porezna dugovanja dospjela do 31.03.2025. godine i benefite umanjenja glavnice shodno navedenom Zakonu.

Naime, shodno članu 7. Zakona o naplati i djelimičnom otpisu dugovanja sportskim kolektivima, umanjenje glavnice utvrđuje se u zavisnosti od roka na koji se zaključuje sporazum. Sporazum zaključen na period:

- do 12 mjeseci omogućava umanjenje glavnice za 30%,
- do 36 mjeseci omogućava umanjenje glavnice za 20%,
- do 60 mjeseci omogućava umanjenje glavnice za 10%.

Sporazum koji se zaključi na period duži od 60 mjeseci ne omogućava sportskom kolektivu umanjenje glavnice. Ukoliko sportski kolektivi na osnovu potpisanog sporazuma ispune uslove propisane navedenim Zakonom izvršit će se smanjenje glavnog duga u propisanom procentualnom iznosu.

Na dan 31.01.2026. godine, prema informaciji Porezne uprave Federacije BiH sportski kolektivi nalazili su se u različitim statusima u pogledu prinudne naplate i zaključenih sporazuma, kao i visini poreznih dugovanja.

Po osnovu Zakona o naplati i djelimičnom otpisu dugovanja sportskim kolektivima sporazume o plaćanju poreznih dugovanja u ratama trenutno ima zaključeno 11 (jedanaest) sportskih kolektiva sa ukupnim dugom u prinudnoj naplati od 9,9 miliona KM, i to: Nogometni klub „TRAVNIK“ iz Travnika; FK "ŽELJEZNIČAR" Sarajevo; UG KOŠARKAŠKI SAVEZ BiH; UG TENISKI SAVEZ FBiH; UDRUŽENJE FUDBALSKI KLUB "UNIS" VOGOŠĆA; NK "ČELIK" Zenica; FK "MLADOST" Kakanj; NK "BOSNA" Visoko; SPORTSKI SAVEZ GRADA ZENICA; ŽENSKA JADRANSKA KOŠARKAŠKA ASOCIJACIJA; NK "Široki Brijeg", a pravo na otpis kamata i djelimični otpis glavnog poreznog duga se u skladu sa Zakonom ostvaruje tek ukoliko sportski kolektivi ispune obaveze plaćanja svih rata po zaključenom sporazumu i svih tekućih poreznih obaveza - te iz navedenog razloga još uvijek nisu stečeni uslovi za otpis poreznih obaveza ni za jedan sportski kolektiv koji ima zaključen sporazum po navedenom Zakonu.

Na osnovu dostavljenih podataka, u nastavku je prikazan detaljan pregled poreznih dugovanja sportskih kolektiva koji se nalaze u postupcima prinudne naplate prema evidencijama Porezne uprave Federacije Bosne i Hercegovine na dan 31.01.2026. godine. Podaci uključuju ukupni iznos glavnice, kamate i ukupan dug za svaki sportski kolektiv koji ima zaključene sporazume o plaćanju dugovanja po osnovu Zakona o naplati i djelimičnom otpisu dugovanja sportskim kolektivima.

| R/B                 | SPORTSKI KOLEKTIV                       | Dug u prinudnoj naplati na dan 31.01.2026. |                 | Saldo duga u PN na dan 31.01.2026. |
|---------------------|---|--|-----------------|------------------------------------|
|                     |   | Glavnica i troškovi PN                     | Kamate          |                                    |
| 1                   | 2                                       | 3  | 4               | 5                                  |
| 1                   | Nogometni klub „TRAVNIK“ iz Travnika    | 166.074,52 KM                              | 284.787,84 KM   | 450.862,36 KM                      |
| 2                   | FK "ŽELJEZNIČAR" Sarajevo               | 2.450.770,66 KM                            |                 | 2.450.770,66 KM                    |
| 3                   | UG KOŠARKAŠKI SAVEZ BiH                 |  |                 | 186.239,81 KM                      |
| 4                   | UG TENISKI SAVEZ FBiH                   | 30.514,42 KM                               |                 | 30.514,42 KM                       |
| 5                   | UDRUŽENJE FUDBALSKI KLUB "UNIS" VOGOŠĆA |  |                 | 6.172,68 KM                        |
| 6                   | NK "ČELIK" Zenica                       | 3.071.978,13 KM                            | 2.333.579,69 KM | 5.405.557,82 KM                    |
| 7                   | FK "MLADOST" Kakanj                     | 124.901,80 KM                              | 80.025,88 KM    | 204.927,68 KM                      |
| 8                   | NK "BOSNA" Visoko                       | 123.290,90 KM                              | 48.598,70 KM    | 171.880,60 KM                      |
| 9                   | SPORTSKI SAVEZ GRADA ZENICA             | 6.371,00 KM                                |                 | 6.371,00 KM                        |
| 10                  | ŽENSKA JADRANSKA KOŠARKAŠKA ASOCIJACIJA | 1.832,37 KM                                | 1.902,69 KM     | 3.735,06 KM                        |
| 11                  | NK "Široki Brijeg"                      | 866.947,12 KM                              | 107.079,34 KM   | 974.026,46 KM                      |
| U K U P N O (1-11): |   |  |                 | 9.891.058,55 KM                    |

Pored navedenog, na dan 31.01.2026. godine, 9 (devet) sportskih kolektiva još uvijek ima na snazi sporazume o odgođenom plaćanju poreznih obaveza - koji su zaključeni na osnovu Zakona o Poreznoj upravi Federacije Bosne i Hercegovine („Službene novine Federacije Bosne i Hercegovine“, br. 33/02, 28/04, 57/09, 40/10, 27/12, 7/13, 71/14, 91/15 i 44/22) i Pravilnika o procedurama prinudne naplate poreznih obaveza („Službene novine Federacije Bosne i Hercegovine“, br. 50/02, 54/03, 31/11, 38/16, 96/17, 18/21, 30/24 i 27/25), sa ukupnim saldom duga u iznosu od 9,3 miliona KM, i to: Rukometni klub "SLOGA" Gornji Vakuf - Uskoplje; Nogometni klub "SPORT PREVENT" iz Bugojna; U.G. NK "ZVIJEZDA GRADAČAC"; U.G. FK "TUZLA CITY" Tuzla; U.G. FK "BUDUĆNOST" Banovići; U.G. FK "SARAJEVO" Sarajevo; RUKOMETNI SAVEZ BiH; UDRUŽENJE FK "IGMAN" KONJIC i GORAŽDE FUDBALSKI KLUB GORAŽDE.

Preostala 42 sportska kolektiva sa neplaćenim poreznim obavezama u prinudnoj naplati nemaju zaključene sporazume o odgođenom plaćanju ili o plaćanju poreznih dugovanja u ratama, a dio njih je u ranijem razdoblju imao zaključene sporazume, ali su isti raskinuti zbog neizvršavanja preuzetih obaveza. Dakle, u ranijem razdoblju je bilo slučajeva da sportski kolektivi imaju zaključene sporazume o plaćanju duga u ratama ili odgođenom plaćanju, ali nisu uredno izmirivali svoje tekuće porezne obaveze niti obaveze plaćanja rata po sporazumima te je Porezna uprava Federacije Bosne i Hercegovine takvim poreznim obveznicima prvobitno slala opomene, a ukoliko takvi sportski kolektivi ne bi izmirili svoje obaveze ni nakon uručenih opomena, Porezna uprava Federacije Bosne i Hercegovine je raskidala zaključene sporazume i nastavljala sa provođenjem mjera prinudne naplate poreznih obaveza.

S poštovanjem,



Dostaviti:

- Naslovu
- co. Generalni sekretarijat Vlade Federacije BiH
- a/a